

ՀԱՆԴԷՍ ԲԱՆԱՍԻՐԱԿԱՆ

ՇԷՔԱԲԵՐ

ՄԱԿԲԵԹ ՈՂԲԵՐԳՈՒԹԻՒՆ՝

ՀԱՆԴԷՍ ԶՈՐՐՈՐԴ

ՏԵՍԻԼ Ա

Քարայր խաւարչուտ . և ի միջակին կարուայ մի եռացեալ : Որոտումն :

Մտանեն երեք վհուկք :

Առաջին վհուկ

Խայտախարիւ կատուն երիցըս նըւաց :

Երկրորդ վհուկ

Երիցս . և մի անգամ հեծեաց ձագն ողնոյ :

Երրորդ վհուկ

Փանդեռնահարն աղաղակէ . ժամ է , ժամ :

Առաջին վհուկ

Օ՛ն , պար առեալ գկաթսայիւ շուրջ ընթացուք .

Ընկեսցուք անդր ըզթունաւոր փորոտիս : —

Գորտ , որ ցըրտին ընդ քարամբ ,

Տիւս երեսուն և մի և նոյնչափ գիշերս

Ներհեալ թոյն իմըն ջերմագին մթերեցեր ,

Ի դիւթականըն սան դու նախ եռացիր :

Ամենեքին

Յաւել, կըրկնեա՛, աշխատութիւն և վաստակ -
Հուր, բորբոքեաց, և դու կաթսայ, եռացիր ։

Երկրորդ վնուկ

Օձի ջրայնոյ թիկնամէջք ,
Եռա՛ ի սանն և եփեաց .
Աչք կովադիայ և թաթք գորտոյ ,
Մաշկ չրղջիկան և շան լեզու ,
Խայթոցք իժի և քարբի սլաք ,
Սրունք մողէսի և թե բըւոյ ,
Ի մի խառնմամբ ի թովշութիւն զօրաւորք ,
Որպէս ըզթան դժոխոց զեռեալ եռացէք ։

Ամենեքին

Յաւել, կըրկնեա՛, աշխատութիւն և վաստակ -
Հուր, բորբոքեաց, և դու կաթսայ՝ եռացիր ։

Երկրորդ վնուկ

Թեփ վիշապի , ժանիք գայլոյ ,
Մումմիա վըհկան , խածիւ լ' օրկոր
Դիշախանձեալ ադի ծովու շանաձկան ,
Մուխընդի արմատ՝ խըլեալ ի մըթան ,
Լեարդ հայհոյիչ եբրայեցոյ ,
Լեդի քօշի , ուղէչք նոճուոյ
Քանցեալք լուսնին ի խաւարման ,
Թաթար շըրթունք և թուրք ուրնգունք ,
Մատըն տղայոյ՝ զոր բող ի ծնունդս
Ի խրամատի միում հեղձոց ,
Թանձրացուցէք և մածուցէք ըզփոխինդն .
Ըզփորոտիս վազեր ի նոյն յաւեցուք՝
Ի նիւթ մերում կաթսայի ։

Ամենեքին

Յաւել, կըրկնեա՛, աշխատութիւն և վաստակ -
Հուր, բորբոքեաց, և դու կաթսայ եռացիր ։

Երկրորդ վևուհ

Ձայս յարիւն ապուգնայի ցըրտացուացուք .

Կախարդանքն յայնժամ լիցին ողջ և անքոյթ :

(Մտանեն Հեկատէ և այլ երեք վևուկք) .

Հեկատէ

Ո՛հ , ագնիւ է . դովեմ ըզփոյթ խընամոցդ ,

Եւ մէն միում ելցէ յարդեանցըն բաժին ,

Շուրջ ըզսանին առէք արդ երգ նըւագաց ,

Իբր ըզճիւաղս և ըզպարիկս հիւ եկեալ ,

Ի կախարդել զոր ինչ ի ներքս ամացէք :

Երգ

Ոգիք սեաւք և սպիտակք ,

Կարմրանիչք , գորշագոյնք ,

Խառնեցէք , խառնեցէք , խառնեցէք

Որ գիտէքըդ խառնել :

Երկրորդ վևուհ

Ի մարմաջից մատանցս ըզգամ

Ձի անիծեալ դք այսըր գայ :

Բացյիք , փականք , չէ փոյթ ո՛վ դք և բաղիւն : (Մտանէ Մակբէք) :

Մակբէք

Իսկ արդ դուք , զի՛նչ առնիցէք աստ , զհասարակ դիշերաւ .

Ուրուականք խորհըրդաւորք և սեաւք :

Ամենեքին

Գործ մի անանուն :

Մակբէք

Երգմնեցուցեալ իմ ըզձեզ ի զօրութիւն ձեր՝ յոր պարծիք ,

Տուք ինձ , զ՛ն , պատասխանի , որպէս զիւրդ և կամիք :

Թէպէտ հողմն արձակեալիք որք գրոհ տայցեն ի տաճարս ,

Կամ յարուսլիք ծուփ փըրփրագէզ որ զնաւս յուզեալ կլանիցեն .

Թէպէտ և հարցի ցորեանըն վականակ , ծառք խըլեսցին ,

Թէպէտ դըղեակք ի վերայ պահապանաց իւրեանց անկցին ,
թէ և բըրգունք և ապարանք խոնարհեսցեն զգազաթունս
ի հիմունս իւրեանց , թէպէտ զանձըն բնութեան բողբոջից
վեր ի վայր խառնակիցի , մինչև զ'եղծումն իսկ եղծուլ ,
Արարէք բանիցս իմոց պատասխանի :

Առաջին վհուկ

Խօսեաց :

Երկրորդ վհուկ

Խընդրեալ :

Երրորդ վհուկ

Մէք տացուք պատասխանի :

Առաջին վհուկ

Սակայն , ասա , արդեօք դու

ի շըրթանց մերոց յաւէտ կամիս ըզբանսըն լըսել՝
Եթէ ի տեարց մերոց անտի :

Մակբեք

Ձայն տուք նոցա գալ , զի տեսից :

Առաջին վհուկ

Հեղցուք զարին կընճի որ զիւր զինըն խոճկորըս լափեաց .
Արկցուք ըզնարպն անդ՝ որ ծորեաց ի սպանողին կախաղանէ ,
Եւ ընկեսցուք ըզբնաւն ի հուր :

Ամենեքին

Ե՛կ ի վերուստ կամ ի ներքուստ ,
Երևեցո՛ մեզ զանձըն քո և ըզպաշտօն զեղեցկապէս :

(Որոտումն : Երևի սաղաւարտաւոր գլուխ Ուրուականի) :

Մակբեք

Ասա ինձ , ի՞նչ զօրութիւնդ անծանօթ . . .

Առաջին վհուկ

Ճանաչէ՛ նա զմիտըս քո , ըզբանսըն լուր , և մի՛ նչ ասեր :

Ուրուական

Մակբէթ , Մակբէթ , Մակբէթ , ի Մակդուփայ ըզգոյշ լեր .
Յիշխանէն փիփեայ զգոյշ լեր : Թողէք երթայց , զի շատ է : (Անհետ լինի) :

Մակբէթ

Ո՛րք և ես , շնորհ ունիմքոց իմաստուն խորհրդոց ,
Կալար դու զլար կասկածանացս : Այլ , բան մի ևս յաւելցի :

Առաջին վեպ

Ձէ մարթ նրմա հրամայել : Աւասիկ միւս ոմն այլ ևս
Հզօրագոյն քան զառաջինն :

(Որոտումն : Երևի Ուրուական արիւնաբարաւ մանկան միոյ) :

Ուրուական

Մակբէթ , Մակբէթ , ո՛վ Մակբէթ :

Մակբէթ

Թէ երեք տկանջք էին իմ և երկքն ունկըն դնէի :

Ուրուական

Լեր արիւնախանձ , քաջայանդուզն և խիզախ .
Ծաղր արա քամահանօք ըզմարդկային զօրութեամբ ,
Ձի ոչ որ կանանցածին բաւէ փնասել Մակբէթի : (Անհետ լինի) :

Մակբէթ

Ապա կեաց դու Մակդուփ , առ ի՞նչ երկեայց ես ի քէն :
Այլ կամ է ինձ անկասկած լինել կըրկին , և առնուլ
Գրաւականս ինչ ի բախտէն : Արդ մի կեցցես դու Մակդուփ .
Ձի կարացից ասել առ իմ տըժգոյն երկիւղ թէ սըտէ .
Եւ յորտման իսկ շանթից առնուլ ըզնիրհ : — Ո՛վ է այն ,
(Որոտումն : Երևի Ուրուական մանկան միոյ պաւսկելոյ , ստեղն ի ձեռքին) :
Որ ի դէմն արքայորդոյ գայ ի տեսիլ , և որ կրէ
Ի փափուկ ճակատուն ոսկի պըսակ արքայաշուք :

Ամենեքին

Ունկըն դիր , այլ սակայն մի ինչ խօսիր :

Ուրուական

Լէր իբր առիւծ

Ահաւոր և խորխտապանծ , և մի ինչ փոյլթ արասցես
Թէ՛ դք ցասնու , թէ՛ վըշտանայ , կամ՝ դք նիւթէ քեզ չարիս :
Մակբեթ անյաղթ կացցէ՝ ցորչափ անտառըն մեծ Բիռնամայ
Ոչ ելեալ գնասցէ ընդդէմ՝ բարձըր լերին Դունսինանայ : (Անհետ լինի) :

Մակբեթ

Անմարթ է այդ . ո՞ կարասցէ երբեք զանտառ գնացուցանել ,
Հրաման տալ ծառոց խըլել զիւրեանց արմատս ի յերկրէ .
Քաղցրալուր գուշակութիւնք : Քաջ է : Մի բնաւ ամբառնար
Ըզգլուի քո , վտարանջութիւն , ցորչափ անտառըն Բիռնամայ
Ոչ ելեալ խըլըտեսցի , և կեցցէ մերըս Մակբեթ
Ի շուք փառացըն՝ որչափ ետ նըմա բնութիւն ժամանակ ,
Մինչև ըզպարտս իւր վճարեսցէ՝ որպէս վճարէ ամենայն մարդ :
Այլ սիրտս ի վեր վազէ գիտել և այլ իմն ինչ : Ասացէք , —
Եթէ հնարք արուեստից ձերոց ցայնվայր զօրիցեն , —
Իշխեսցէ յաւուր միում ազգ Բանքոյի յերկիրս այս :

Ամենեքին

Մի խընդրեր զայլ ինչ գիտել :

Մակբեթ

Կամիմ գիտել , դոր թէ զլանայք ,
Անկցին ի ձեզ յաւէժ անէծք : Ասացէք ինձ զամենայն ,
Առ իմէ կաթսայս այս ի խորս երկրի սուզանի .
Զինչ իցեն դժոխային ըստըշտական բարբառքս այս : (Զայնք փողոց) :

Առաջին Վհուկ

Երեսնաց :

Երկրորդ Վհուկ

Երեսնաց :

Երրորդ Վհուկ

Երեսնաց :

Ամենեքին

Յայտնեալիք յայլս նորա , և զսիրտ նորա տըրտմեցուցէք .
Եկայք իբր ուրուականք , նոյնպէս անհետ եղերուք :

(Երևին ուր բագատորք , և անցանկեն ընդ բատրն կարգաւ , վերջնայն ոսկեպոյ ի ձեռնին հայկի
մի . Բանքո զկնի երբայ նոցա) :

Մակբեք

Բանքոյի ստուերին կարի յոյժ նըմանիս . ծն , ի վայր .
Պրսակ քո կիզու զբերս իմ , — Եւ դու , իմ միւս այլ ճակատ
Բոլորեալ յոսկեղէն թաղ , վարսք քո են զոյդ առաջնոյն .
Երբորդ ոմն իբրն զերկրորդն : Ո՛վ գարշելի դուք վըհուկք ,
Ընդէր ածէք ինձ յերևան ըզդոսա : Զորորդ ոմն .
Օ՛ն , ի բաց ոստիկք , բիբք իմ , յակնակապճաց աստի իմոց :
Եւ զինչ , կարգս այս ձրգեսցի մինչ ցըվախճամն աշխարհի :
Միւս ոմն այլ . եօթներորդ ոմն : — Ոչ այլ կամիմ նըկատել : —
Աւասիկ ութերորդ ոմն այլ հայելի ի ձեռին ,
Որ ամբոխ իմն այլոց ինձ ցուցանէ : Տեսանեմ զայլս
Զի կըրեն գունդըս կըրկին և գաւազան մի եռաստեղն :
Տեսիլ ժանտ . ախ , իմանամ . ճըլմարիտ է , զի ահա
Ծիծաղի առ իս Բանքո համակ յարին շաղախեալ ,
Եւ իբրն զիւրայինս ածէ զնոսա ինձ ի ցոյց :
Ուրեմն այսպէս եղիցի :

Առաջին վճռել

Այս , տէր , այսպէս լիցի : —

Այլընդէր այդպէս Մակբեթ ըմբռնիցի յափշտութիւն :
Օ՛ն , արիք , քորք իմ , ըզսիրտ նորին ուրախ արասցուք ,
Եւ ցուցցուք նըմա զմերոց ըզբօսանաց լաւագոյնն :
Արարից ես յօգս հըմայս իմն , և ելցեն ձայնք նուագածուաց ,
Եւ ի նոյն խըմբեսցուք մեք ըզպար մեր վաղեմի ,
Մինչև մեծս այս թագաւոր ասիցէ մեզ քաղցրութեամբ՝
Եթէ նկալաք ըզնա սիրով :

(Երաժշտութիւն . Կաքաւեն վճռիկք և աներեւոյր յինին) :

Մակբեք

Ո՛ւր են նոքա . չըբացան :

Յաւիտեան անիծեալ լիցի այս ժամ աղիտաբեր :
Եկայք , որ կայքդ ի դուրս : (Մտանէ Լէնու) :

Լէնու

Ձիւն խընդրէ տէր իմ արքայ :

Մակրեք

Ըգբորըս բախտին տեսէք արդեօք :

Լէնու

Ոչ, տէր իմ :

Մակրեք

Ո՛չ անցին մերձ առ ձեզք :

Լէնու

Ճըշմարտապէս, տէր իմ, ոչ :

Մակրեք

Ապականեալ եղիցի վայրն՝ ուր նոքա ձիւավարեն ,
Եւ պատժեալք ամենեքին ոյք ընծայեն նոցա հաւատս ,
Բայց լըւայ զերիվարաց գրընդիւն . ո՞վ է որ եհաս :

Լէնու

Են երկու կամ երեք հեծեալք , տէր իմ, որ բերեն
Ըզլուր փախըստեանըն Մակդուփայ յԱնգղիա :

Մակրեք

ՅԱնգղիա՞ փախուցեալ Մակդուփ :

Լէնու

Այո՛ , տէր իմ բարի :

Մակրեք

Ո՛վ ժամանակ , կանխեա արդեւ լինիս գործոցս ահեղից :
Փախստական են խորհուրդք , և ոչ ի գլուխ ելանեն ,
Թէ ոչ և գործըն զոյգ նոցին կատարեսցի : Բայսմ իսկ օրէ
Նախկին թափք սըլտիս՝ լիցին իմոյ ձեռին նախկին թափք :

Մեղըստին առ ի յարդիւնս ածել զխորհուրդ իմ գործով,
Հարկ է ինձ, այն ինչ յղացեալ զայն՝ իսկ և իսկ կատարել:
Խուժեցից յանկարծօրէն վերայ դղելին Մակդուփայ,
Տիրեցից փիփեայ, ընդ սուր հանից ըզկինն և զորդիս,
Եւ զամենայն չլառականս որ ի նմանէ սերեցան:
Ոչ անմիտ ինչ բարբառով մեծաբանեմ, յառաջ քան
Զցըրտանալ խորհրդոյս՝ տացի հարուածն. այլ չիք ցնորք:

ՏԵՍԻՒ Բ

Մտանէ Տիկին Մակդուփ, Որդին իշր, և Բոսսէ:

Տիկին Մակդուփ

Զինչ գործեալ էր նորա՝ մինչև ստիպիլ ի փախուստ
Յիւրոց հայրենեաց:

Բոսսէ

Երկայնամիտ լեր, տիկին:

Տիկին Մակդուփ

Այլ նա չեղև: Յիմարութիւն իմն է փախուստն նորա.
Եթէ ոչ գործըն, երկիւղն ըզմեղ առնեն մատընտուս:

Բոսսէ

Դու ոչ գիտես եթէ նորայն իմաստութիւն էր թէ երկիւղ:

Տիկին Մակդուփ

Իմաստութիւն, թողուլ ըզկին իւր լրքանել ըզմանկունս,
Ըզտուն իւր, ըզպատիւս, անդ, և ի բաց խուսափել:
Ոչ սիրէ նա զմեզ, բնութիւն ըզսիրտ նորա ոչ շարժեաց.
Յախսարեկն ողորմուկ, և փոքրագոյն իսկ թըռչնիկն,
Պաշտպանէ ձագուց իւրոց ընդդէմ բըւոյ ի բռնին:
Լոկ երկիւղ է ի նըմա, չիք սէր, և միտք փոքրիմաց
ձեպեցին զանհանճար և զխօլ խուճապ փախըստեանն:

Ռոսսէ

Սիրելի դուստր հօրեղբօր , հայցեմ , աղէ՛ք ըզգաստ լեր .
Զի այր քո աղնըւական է , իմաստուն , հանճարեղ ,
Եւ զհաճոյս ժամանակին նա կարի քաջ ճանաչէ :
Այլ ինչ ոչ ժըտիմ ասել . այլ ժամանակքս անգութք են յոյժ ,
Յորս յանգէտըս մեր՝ մատնիչս յանդիմանիմք , և ըզգամք
Զի գոն մեր իրք խիթալիք , թէ և գիտակ նոցին չեմք .
Եւ յահեղ և սըրտմըտեալ ծովու՝ աստ անդ տատանիմք : —
Արդ հրաժեշտ առնում ի քէն . ոչ յամեցից դառնալ գալ ,
Յորժամ իրք ի չարագոյն ծայր ժամանեն , ղկայ առնուն ,
Եւ կամ դարձ առնեն ի կէտն՝ ուր զառաջինըն կային :
(Խօսելով առ մահուկն Մակդոնի Տիկնոյ) :
Հօրեղբօր որդեակ սիրուն , երկինք ըզբև հըսկեսցէ :

Տիկին Մակդոնի

Է նորա հայր ծընող , և սակայն նա անհայր է :

Ռոսսէ

Այլ եթէ ոչ գընացից՝ եղէց կարի խեղագար :
Թէ տակաւին յամեցից աստ , անձամբ զանձն իմ կորուսից ,
Եւ ի վտանգ արկից ըզքեղ . ուրեմն ողջամբ մընա դու : (Ելանէ) :

Տիկին Մակդոնի

Որդեակ իմ , հայր քո մեռաւ , զինչ գործիցես դու այժմիկ ,
Զիմրդ ապրեսցիս :

Ռդիկն

Իբրև զթըռչունըս , մայրիկ :

Տիկին Մակդոնի

Զինչ . որդամբք և ճանճիւք :

Ռդիկն

Իւ և գըտից իբր ըզնոսա :

Տիկին Մակդոնի

Հէք թռչուն , չիք ուրեմն քեզ երկիւղ ի վարմից ,
ի ցանցից և յարձուից :

Որդին

Հիմ յայնոցիկ երկեսոյց , մայր .
Ոչ փանաքի թռչնեկաց ձրգին թակարթքն այնոքիկ :
Սակայն հայր իմ չէ մեռեալ , զոր օրինակ դուդ ասես :

Տիկին Մակդոնի

Մեռաւ , ասեմք քեզ , և ուստի զըտցես դու քեզ այլ ոք հայր :

Որդին

Ո՛ւր դըտցես դու այլ ոք այր :

Տիկին Մակդոնի

Ինձ մարթ է ստանալ քըսան այր
Եւ յառաջնում սակարկութեան :

Որդին

Զի զնոյնս անգրէն վաճառեացես :

Տիկին Մակդոնի

Նըրբիմաց խելօք խօսիս , նա և քան զտիս քո ի վեր :

Որդին

Հայր իմ , մայրիկ , մատնիչ ոք էր :

Տիկին Մակդոնի

Այժ ,

Որդին

Այլ զի՛նչ է մատնիչն :

Տիկին Մակդոնի

Որ երդնու և զանց առնէ :

Որդին

Որ զայս գործեն՝ մատնիչք են բնաւք :

Տիկին Մակդոնի

Այո՛, արժանիք են խեղճամահ լինելոյ :

Որդին

Եւ նորա բնաւք որ երդնուն և որք զայնու անցանեն
Արժանիք են կախելոյ :

Տիկին Մակդոնի

Բնաւք :

Որդին

Եւ ո՛ր զնսին կախիցէ :

Տիկին Մակդոնի

Ալք պարկեշտք :

Որդին

Ապա շամբուշ են որք երդնուն և սլտեն զայն ,
Զի այնքան մեծ է թիւ նոցին՝ մինչև զպարկեշտս հարկանել
Եւ կախել ըզնոսին :

Տիկին Մակդոնի

Օգնեսցէ քեզ Տէր Աստուած ,
Կապիկ ողորմելի : Այլ ո՛ր դժացես դու հայր ոք :

Որդին

Եթէ հայր իմ մեռեալ էր , արտասուէիր դու արդեօք .
Եւ զի ոչ լաս , ապա ընդ հուպ զայլ ոք ես հայր ունիցիմ :

Տիկին Մակդոննի

Ողորմուկ լեղուանի , իբրև զի դու շաղփաղփես :

(Մտանէ Պատգամաբերս) :

Պատգամաբեր

Օրհնեսցէ ըզքեզ Աստուած , ով գեղեցիկըդ տիկին :
Անժանօթ եմ քեզ , թէպէտ ծանօթ է ինձ բարձ քոյին :
Երկընչիմ եթէ վտանգ ինչ ի վերայ քո հասեալ կայ .
Եթէ զհետ խրատու՝ անկեղծ առն հետեւել կամիցիս ,
Մի այլ երս կացցես աստ . փախիր մանրիկ մանկամբք քովք :
Անողորմ գրտայ այսպէս զքեզ ահաբեկ առնելով .
Չարագոյն երս լինէր չառնել ըզքեզ խելամուտ
Վերահաս գաղանութեանն : Աղատեսցէ զքեզ Աստուած :
Ընդերկար երս յամել չհամարձակեմ ես աստէն : (Ելանէ) :

Տիկին Մակդոննի

Ո՛ւր անկայց ես ի փախուստ . չիք իմ ինչ մեղս արարեալ :
Այլ յիշեմ զի կամ ես յաշխարհիս աստ երկրաբարչ ,
Յոր զառածելն ի չարիս՝ յաճախ լինի գովելի ,
Եւ գործել զբարիս՝ երբեմն յիմարութիւն վտանգաւոր :
Վահ , իբր յառաջ մատուցից վայս կանացի պաշտպանութիւն ,
Թէ « Չիք իմ ինչ մեղս արարեալ » : — Զի՛նչ երեւք են այսօրիկ .
(Մտանեն Սրիկայք) :

Սրիկայ

Ո՛ւր եցէ այր քո :

Տիկին Մակդոննի

Ոչ յայնքան ի նըզովեալ ինչ տեղով ,
Որպէս յուսամ , մինչև այր ոք իբրև ըզքեզ գըտցէ զնա :

Սրիկայ

Մատնիչ է նա :

Որդին

Սուտ ասես , այ թաւամաղ չինական :

Սրիկայ (Հարեայ զնա սրով) :

Ջիւրդ դու , ձո՛ւ մի , ելեալ ի խեճեպոյ մատնըլին :

Որդին

Ըսպան զիս նա , մայր իմ. ո՛հ , աղաչեմ , փրկեա զանձն :

(Մեռանի : — Տիկինն Մակրոշի փախի աղաղակելով . Սպանութիւն .
Սրիկայք պնդին զհետ նորա) :

ՏԵՍԻԼ Գ

ՅԱճգդիս : — Սննակ յապարանս արքային :

Մտանեն Մակրոշ և Մակրոշի :

Մակրոշ

Խընդրեսցուք միայնութեան ուրեք տեղի խաւարին ,
Եւ զմերոց ողորմ սըրտից անդ զարտասուս վիժեսցուք :

Մակրոշի

Նա 'ւանիկ բռնն հարեալ ի սուր սատակիչ , և առնաբար
խաղասցուք մեծաքայլ ի հայրենիս մեր յուրնհար :
Յամենայն առաւօտու յոգւոց հանեն նորոգ այրիք
Եւ նոր որբք ճըչեն , նոր վիշտք զերեսս երկնից հարկանեն ,
Որ թընդայ , իբրու կրելով ըղտառապանս ըսկովտիոյ ,
Եւ կամէր իմն արտասանել զայնս հանգունակ հառաչմամբ :

Մակրոշ

Ողբամ զայն՝ յոր հաւատամ , հաւատամ յայն՝ զոր գիտեմ .
Եւ զոր մարթ է ինձ ուղղել , վաղվաղակի ուղղեցից՝
Ի գառնելլս ժամ դիպող : Զոր զուգ ասես՝ ելցէ ստոյգ .
Բըռնաւորն՝ որոյ անուն սոսկ ըզլեզուս մեր կիզու ,
Այր բարի զըտաւ երբեմն : Դու զնա ուժգին սիրեցեր .
Դեռ ոչ մըխեաց ձեռն ի քեզ : Երիտասարդ ոմն եմ ես ,
Այլ յերս ինչ կարես ինեւ ընդ միտ նորին մըտանել .
Եւ է գործ իմաստուն՝ ընծայել գառըն մի հէք ,
Անմեղ լ' անգոր՝ առ յողբ ամեւ զաստուած որ զայրադին :

Մակդոնի

Չեմ ես մատնիչ :

Մակդոն

Այլ Մակբեթ է : Աչառելով յարբայէ
Քաջալաւ ե բարի այր կարէ վրիպել . ներեալ ինձ զայս :
Խորհուրդք իմ ոչ կարեն փոխել քեզ եւ առնել որ ինչ չես :
Դեռ պայծառ են հրեշտակք , թէպէտ անկաւ պայծառագոյնն :
Թէ ե բնաւ պրոծութիւնք զուղղութեան դէմն ըզդեցցին ,
Ուղղութիւն միշտ նոյն կացցէ :

Մակդոնի

Կորուսի զյոյս ամենայն :

Մակդոն

Թերեւս անդ՝ ուր ես գրտի զկասկածանացս իմոց խէթ :
Ո՛ր միտք յանկարծածագ ետուն թողուլ քեզ ըզկին քո ,
Եւ զորդիս , ըզգեղեցիկ պատճառս գործոցըս մերոց ,
Եւ զհրգօր սիրոյ կապանս , զյետին ողջոյնն իսկ ոչ տըւեալ :
Մի թուեսցին քեզ , աղաչեմ , կասկածանքս իմ այսոքիկ
Յանարգանս ինչ լինել քեզ , այլ յառնել զիս լոկ անբոյթ :
Զինչ ե քբէն խորհեցայց , դու միշտ լիցիս այր արդար :

Մակդոնի

Հեղ զարիւն քո , հեղ զարիւն , թըշուառական հայրենիք .
Եւ դու պինդ կաց ի խարըսի քում , ահագին բռնութիւն ,
Քանզի ոչ խիզախէ ճընչել ըզքեզ ուղղութիւն :
Եւ դու տար լուտանաց քոց . ե կարի իսկ յիբառունս : —
Ողջամբ կաց , տէր , ոչ կամիմ լինել վատշուէրն զոր կարծես ,
Վասն ընդարձակ հանուր երկրին որ ընդ մագլճք բռնակալին ,
Թէպէտ ի նոյն յաւելցին ե ճոխութիւնք Արեւելից :

Մակդոն

Մի լինիր անձնանախատ , ոչ ըստուգիւ խիթամ ի քէն .
Գիտեմ զի հայրենիք մեր ընդ լըծով հեծեծէ ,
Զի ողբայ , արիւն հոսէ , ե օր քան զօր վէրքն յաւելուն .
Գիտեմ՝ եթէ բազմաց բազուկք վասն իմ զէն առցեն ,

Եւ զի աստանօր իսկ ի գերապանծա Անգղիա,
Աշակից ինձ ընծայեցան՝ Հաղարաւորք կորովեաց :
Բայց սակայն ի կոխել իմ առ ոտս ըզգլուի բրնձաւորին
Կամ ի ծայր վարսել սըրոյս, թըշուառական հայրենեաց
Հասցեն աղէտք մեծագոյն քան զառաջինն, և չար ևս
Կըրեսցէ ի յաջորդէն և զանազան եղանակաւ :

Մակդոնի

Իսկ արդ ո՞ եղիցի նա :

Մակկոյմ

Ես ինքն, ես, յիս ախտք ամենայն
Այնպէս ձըգեալ են խոր արմատըս, զի յորժամ յայտնեսցին,
Մակբեթ սեւան՝ երևեսցի իբրև ըզձին ըսպիտակ,
Եւ եղուկն Բսկովտիա գառն իմն ըզնա համարեսցի,
Ընդ իմաց անհընարին չարեացս ածեալ ի կըշիւ :

Մակդոնի

Այլ սակայն ի լէգէոնրս դըժոխոց, չիք սատան
Ամպարիշտ և նըզովեալ՝ որ զՄակբեթաւ գըլեսցէ :

Մակկոյմ

Ճանաչեմ ըզնա այր ոք արինահնդ և վաժաշ,
Ագահ, սուտ, նենգաւոր, դառնաբարոյ և դըժնեայ,
Յամենայն հատեալ չարիս՝ որոց անուն մի գուցէ :
Այլ իմաց տըռփից չիք չափ, ոչ կանայք ձեր, ոչ դըստերք,
Ոչ տիկնայք, ոչ օրիորդք, բաւեն լընուլ զգուր հնչտութեանս .
Եւ գըլէ ցանկութիւն իմ զամենայն խոչ և ըզխութ :
Ղաւագոյն է յոյժ Մակբեթ քան արքայ ոք իբրև զիս :

Մակդոնի

Անյագուրդ հեշտախտութիւն՝ է բընութեան բըռնութիւն :
Նա է որ թափուր կացոյց զաթուռս երջանիկս,
Եւ զբազումս յարքայից խըլեալ եհան ի պատուոյն :
Այլ որ ինչ քեզ պատկանի, մի ինչ խըղճեր առնուլ զայն .
Ասպարէզ լայնատարր առաջի կայ քեզ հաճոյից,
Ձոր թէ ծածկել գիտասցես, երևեսցիս ցուրտ ոք այր :
Եւ դարձեալ, չպակասեն մեզ կամայօժար կանանի,
Եւ անգղըն որ ի քեզ, չկարէ յօշել զամենայն
Ընծայեալս արքայիդ, թէ յայտնեսցին քո բաղձանք :

Մակոյմ

Այս չէ շատ: Թանարդ բնութեան իմում գոյ այլ կիրք յարափթիթ,
Ընչաքաղց ագահութիւն, մինչ զի լինել իմում արքայ,
Ի մահ ըզճոխըս վարէի, առ ի կորզել զերկիրս նոցին.
Ակն եղեալ ցանկայի ականց միոյն, միւսոյն տան.
Եւ որքան շատ ըստանայի, առաւել ևս անէր յիս քաղց:
Յուզէի կադս անիրաւս ընդ անխարդախ և զգաստ անձինս,
Եւ կործանեալ ըզնոսին՝ կողոպտէի զինչըս նոցա:

Մակդուշի

Թափ անցանէ ագահութիւն, և խորարմատ է քան զտրուփանս.
Արբուն տիոց պըտուղ անսուրբ: Ագահութիւն էր սուրն այն
Որ զարքայս մեր փողոտեաց: Այլ և աստի չիք երկիւղ:
Սկովտիոյ են մեծութիւնք ի լընուլ զիղձ քո կըշտապինդ,
Եւ լոկ ընչիւք ևեթ քոյովք: Մարթ է տանել մեղանացս՝
Թէ զոյգ նոցին երևեսցին և ուղղութիւնք:

Մակոյմ

Այլ իմ չիք.

Լաւութիւնք՝ որ վայելուչ են արքայից, արդարութիւն,
Զգաստութիւն, ճըշմարտութիւն, հաստատութիւն, բարութիւն,
Պընդութիւն, համեստութիւն, համբերութիւն, զըթութիւն,
Խրախոյս և արութիւն, չազդեն համբուն ինձ ճաշակ:
Այլ զամենայն ըզգամ յիս ախտս, և ամենայն նոցուն չափու
Եւ պէսպէս գունակօքն, և հաճում զայնս ամենևիմբ:
Տի՛նա, թէ էր յիս կար, ի գըծոխս անդր հոսէի
Զքաղցըր կաթըն հաշտութեան, զհանգիստ հանուրց խռովէի.
Յըրուէի զամենայն ինչ որ միացեալ է յերկրի:

Մակդուշի

Ո՛ր Սկովտիա, Սկովտիա:

Մակոյմ

Եթէ այր դք այդպիսի

Արժանի է իշխելոյ, խօսեաց, ես եմ այն, որ խօսիմս:

Մակդուշի

Իշխելոյ արժանի. նա և ոչ կեցոյ: Ո՛վ հէք ազդ,

լինկեճալ 'նդ. անդուծ գաւազանաւ անփառունակ բըռնաւորի .
Երբ ծընցին միւսանգամ գեղեցկափայլ աւուրք քո :
Ահա ստոյգ գահու քո ծնունդ նըզովէ զանձն՝ իւր շըրթամբք ,
Եւ անէծըս կարգայ և հայհոյէ զիւր սերունդ : —
Հայրըն քո արքայաշուք եղև արքայ ոմըն սուրբ .
Դըշխոյն՝ որ գըեզ կըրեաց , ի ծունկսն յաւէտ քան յոտին ,
Մեռաւ յաշխարհի զօր ամենայն զոր և եկեաց ,
Ողջամբ կաց . մեղքդ այդոքիկ որով ըզքէն ամբաստանես ,
Յաւիտեան զիս ի Սկովտիոյ արտասահման վարիցեն : —
Աստանօր , ով սիրտ իմ , ամենայն յոյս քո զրաւի :

Մակդոյմ

Սըխրալի զայրուկդ այդ , Մակդուփ , ծընունդ ուղղութեան ,
Զամենայն սեաւ երկեանս ի բաց տարաւ ի սըրտէս ,
Եւ զմիտս իմ ընդ հաւատոց քոց և պատուոյ միաբանեաց :
Դիւաբախըն Մակընթ հնարեաց յողով հանգէտ հնարս
Զիս առ յինքն յանկուցանել . ըզգօնութիւն իմ համեստ ,
Պաշտպանեաց ինձ ընդդէմ զիւրահաւատ կործանման :
Այլ Աստուած , որ էն յերկինս , ընդ իս լ' ընդ քեզ կացցէ վըկայ ,
Յայսմհետէ ի քո ձեռքս զիս առնեմ ապաստան ,
Եւ ժըխտեմ զըրպարտութիւնսն զոր զինէն խօսեցայ ,
Ուրանամ զեպերս և զբիծըս զոր անձին իմում եդի .
Օտար են այնք յիմոց բարուց : Դեռ ըզկին ոչ 'դիտացի ,
Ոչ զանցի երբեք զերդմամբ , հաղիւ իմոյն ցանկացայ ,
Զհաւատս իմ ոչ մատնեցի , զգեն ընկերին իւր չյայտնէի ,
Եւ ոչ զըստուգութիւն նըւազ քան զկեանքս սիրեմ :
Առաջին սուտ այն է իմ զոր արդ զինէն յօդեցի :
Որ ինչ եմն արդեամբք՝ եմ քո և հէք երկրիս , հրամայեալ ինձ :
Մինչև եկեալ էր քո և այսր հասեալ , Սիվարդ ծերունին
Տասն հազար քաջ որերոյ զմիով տեղեւաւ գումարեալ ,
Ի Սկովտիա կոյս խաղայր : Արդ երթիցուք մեք ի միասին ,
Եւ իցիւ թէ բախտ կըշիռ արգար գործոյս ընթացի :
Ընդէք դու անմըռունչ կաս :

Մակդոյմի

Ծանր է ինձ առժամայն
Միաբանել զայսքան իրս ուրախականս և տըխուրս :
(Մտանէ Բթիկ'ումն) :

Մակդոյմ (Առ Մակդոյմի) :

Գաջ է , դարձեալ խօսեսցուք : — Ելցէ արքայ , ասա ինձ :

Բժիշկ

Այո՛, տէր, կան ըսպասեն անդ բազմութիւնք եղկելեաց
Բըժըշկիլ ի նմանէ : Ախտ նոցին եհան ի դերև
Զվեհագոյն հնարս արուեստին . սակայն առ որս հըպի նա՝
Զօրութեամբն սըրբով՝ զոր ձեռացն այն ետուն երկինք ,
Նոյն հետայն ապաքինին :

Մակոյմ

Շընորհ ունիմ քեզ, բըժիշկ : (Ելանէ Բժիշկն) :

Մակդոնի

Զորպիսի ախտից ասէ նա :

Մակոյմ

Թորջորջի խոզատանձ ,
Գործ հրաշանըչան առաքինի իշխանիս ,
Զոր տեսի բազում անգամ յորմէհետէ եմ յԱնգղիա :
Ի՛բր երկինք լըսեն նըմա , նըմա եթէ է գիտել :
Այլ ըստոյգ է զի անձինք օտարոտի ջեռեալ ախտիւք ,
Տորոմեալք և խըղիսայթեալք , ողորմելիք ի տեսիլ ,
Վհատեցուցիք բըժըշկութեան , նովաւ գըտին զառողջութիւն :
Կախէ նա զպարանոցէ նոցին շիգդ ինչ ոսկեղէն ,
Զերմ աղօթս մըրմընջելով , և ասի , թէ թողցէ նա
Արքայից իւր յաջորդաց ըզգօրութիւնս այս սուրբ բուժիչ :
Բաց աստի , է երկնային նորա պարգև՝ գուշակութիւն ,
Եւ օրհնեբողիւք բիւրք որ պատեն զաթոռ նորա , պատմեն մեզ
Եթէ լի է նա շնորհօք : (Մտանէ Ռոսսէ) :

Մակդոնի

Տեսէք, ո՛ այսր հասանէ :

Մակոյմ

Մին յիմոց հայրենակցաց . այլ ճանաչեմ ոչ ըզնա :

Մակդոնի (սառ Ռոսսէ) :

Ազգական իմ սիրելի և լաւ , ողջամբ գալուստ քո :

Մակդոն

Ճանաչեմ այժմիկ ըզնա : Ո՛վ դու Աստուած բարերար ,
փարատեա՛ վաղ ըզպատճառս որ զմեզ օտարըս գործեն :

Ռոսսէ

Ամէն , տէր :

Մակդոն

Սկովտիա կայ դեռ ի տեղւոյ անդ իւրում :

Ռոսսէ

Աւաղ , հէք հայրենիք . զանգիտէ զանձն իւր ճանաչել :
Ձէ մարթ մայր մեր ըզնա յորջորջել , այլ չիրիմ մեր :
Հայրենիք ողորմ , ուր բաց յայնց որոց չիք գիտութիւն ,
Ջըտեսանի համբուն ժըպիտ յերեսս ուրուք և անգամ մի .
Ուր հառաչք և հեծեծանք և աղաղակք ցաւագիինք
Պատառեն զօղն ընդհանուր , և ոչ է դք որ լըսէ .
Ուր բուռն ցաւք նորաձև հիացական թըւին մուլցք .
Ուր զանգակըն մեռելոց հընչէ , վասն ոյր , ոչ խընդրի .
Ուր ցընդին կեանք լաւ մարդկանըն չև հասեալ յալեոյթ ,
Իբր ըզծաղիկըս որ պըճենն ըզգըլխանոցըս նոցին ,
Մինչև իցեն թարշամեալք :

Մակդոն

Ո՛հ բանք կարի զըժընդակք ,
Եւ սակայն յոյժ ճըշմարիտք :

Մակդոն

Եւ ո՞ր այն է աղէտքն յետին :

Ռոսսէ

Աղէտք ժամու միով լոկ հին . հենգնեն ըզնա՝ որ պատմէն .
Մէն մի վայրկեան նորանորս ծնանի :

Մակդոն

Ձիա՛րդ կայ կին իմ :

Ռոսսէ

Բարւոք :

Մակդոնի

Եւ որդեակք իմ :

Ռոսսէ

Նոյնպէս բարւոք և նորա :

Մակդոնի

Ո՛չ ձըգեաց դեռ բըռնաւորն ձեռն յանդոյր կեանս նոցին :

Ռոսսէ

Ոչ, յորժամ թողի զնոսա, վայելէին դեռ յանդորրու :

Մակդոնի

Մի գուցէ ազահիցես ի բանս . զիմրդ իրքն իցեն :

Ռոսսէ

Մինչ հասի ես աստ՝ բերել զբօթս՝ որ ընկճեն զիս յոյժ յոյժ ,
Բան ճառէր եթէ բազում արք քաջք անկեալ են ի չու .

Առաւել իրաւամբք ընծայեցի այնմ հաւատս ,
Տեսեալ զբըռնակալին զօրութիւն կազմ և պատրաստ :
Ահա արդ ժամ է փըրկութեան, ընդ ակնարկել քո եեթ
ի Սկովտիա՝ յարիցեն զօրք , և կանայք մեր իսկ կըռուեսցին ,
Ուր ուրեմըն զրաւ առնել իւրեանց գըժնէ աղէտից :

Մակդոնի

Սփոփեսցին նորա . ճն մեք ի Սկովտիա ընթացուք .
Զուարթառատն Անդղիա ետ մեզ տասն հազար զինաւորս
Եւ ըզբա՛լն Սիվարդ , ըզհինաւուրց և զընտիրն
Յամենայն զօրականնս քրիստոնեայաշխարհին :

Ռոսսէ

Տայր դք ինձ ըսփոփանացս այս հաւասարրս կըշռել .
Այլ են իմ բանք՝ զորս հարկ էր ինձ զուժել յօգս անապատի,
Ուր չհասանէր ունկն ի լրսել :

Մակդոնի

Յինչ հային բանքդ . յերս հանրական ,
Եթէ տրիտուրք ինչ են ցաւոց որ պատշաճին առ մի սիրտ :

Ռոսսէ

Ձիք այր ըզգաստ՝ ում չելցէ մասն ինչ յաղէտիցս այսոցիկ ,
Թէպէտ և մեծագոյնըն քեզ և եթ սոսկ անկ է :

Մակդոնի

Եթէ իմ է այն , մի այլ յերկար յինէն ծածկեր զայն .
Թող փութով գիտացից :

Ռոսսէ

Մի գուցէ ունկըն քո ի սպառ
Ձըզուեսցէ զլեզուս , որ կայ ըզսոսկալիս բարբառել :

Մակդոնի

Այ , իմանամ :

Ռոսսէ

Ի բուռն անկաւ յեղակարծուց դըղեակ քո ,
Կին քո և որդիք գազանօրէն խողխողեցան :
Եթէ զգիարդն էր ինձ ասել , ի սպանդ եղանցըն զենլոց՝
Արդեօք և քո մահ յաւելոյր :

Մակդոնի

Ո՛վ Տէր Աստուած , զընթութեան . —
Մի ըզխոյր քո , սիրելի , ի վայր ածեր ըզյօնիւք ,
Տմբ բարբառըս ցաւոց քոց . վիշտը որ լռեն անշըշունչ ,
Մըռնչեն յանձուկ սըրտի և տան նըմին խորտակել :

Մակդոնի

Եւ որդեակք իմ :

Ռոսսէ

Կին , որդիք , ծառայք և ընաւք որ անդ գըտան :

Մակդոնի

Եւ ես իբր անդ ոչ դիպեցայ : Եւ կին իմ ևս ըսպանեալ :

Ռոսսէ

Ասացի զայն :

Մակդոն

Քաջալերեաց , խընդրեսցուք վրէժ ահագին ,
Դարման իմն ի բըժըկել զմահաշըշուկ աղէտս այս :

Մակդոնի

Չեն նորա որդիք : — Ըզընաւ բարետեսիլ որդեակս իմ ,
Ասացեր դու , զբնաւս . ո՛հ , անդըղ դըժոխոց , ըզբընաւս :
Զիարդ , զիմ զամենայն սիրուն հրեշտակըս փոքրրկունս ,
Եւ ըզմայր նոցա , ի մի հարուած բարձեալ ամենեքին :

Մակդոն

Իբրեւ այր արիասիրտ ժուժեալ այդմիկ :

Մակդոնի

Արարից .

Այլ սակայն հարկ է ինձ ըզգալ և իբրեւ այր : Չէ ինձ մարթ
Արկանել ի մուացօնս զէակս այնքան ինձ փարելիս :
Զիարդ զայն տեսին երկինք , և ոչ հասին ի թիկունս :
Ո՛վ մեղապարտ Մակդոնի , անկան ամենեքին վասըն քո :
Եղով ինձ թըշուառիս , ոչ առ ի մեղս ինչ նոցուն ,
Այլ վասն իմոցս՝ արկած մահու արկ ըզնոսս յարեէ :
Խաղաղութիւն Աստուծոյ եղիցի արդ ընդ նոսին :

Մակդոն

Յեսան ինիցի այդ առ ի սըրել ըզսուր քո :
Դարձցի ցաւ քո ի զայրոյթ . մի լուծցէ նա ըզսիրտ քո .
Այլ զըրգուեսցէ յաւէտ զայրուց :

Մակդոնի

Ո՛հ, մարթ է ինձ աչքս խովք

իբրեւ զկին արածսր հեղուլ, և լեզուաւս իմ՝ ճառատեւ : —
Այլ, ով երկինք հաշտարար, արագարագ հասի վախճան .
Հան զմեզ ճակատ առ ճակատ, զիս և զսատանն ըսկովտիոյ,
կացոյ զնա հուպ ի չափ երկայնութեան սուսերիս .
Եւ թէ խոյս տացէ յինէն, յայնժամ թողեալ լիցի նմա :

Մակրուլ

Քաջի առն է բարբառ քո : Արի, երթամք գտանել զարքայն .
Պատրաստ են զօրք մեր . . . չըմնայ ինչ այլ բայց զվերջին տալ հրաման :
Մակբեթ մերձեալ է ի յանկումն, և զօրութիւնք երկնայինք
ի կործանումն իւր զինուորին : Իս և կարես զօրացիր .
Երկարածիք է գիշեր որ չհասանէ տըւընջեան : (Ելանեն) :

Կը շարունակուի :

ՎԵՐՋ ԶՈՐՐՈՐԻ ՀԱՆԳԻՍԻՆ

Զ Ա Ն Ա Ջ Ա Ն Գ Ի Տ Ն Լ Ի Բ

Տրապիզոնի թէյ . — Անգղիերէն օրագիրն Pall Mall Gazette լուր կու տայ թէ Տրապիզոնի մօտերը բոյս մը գտնուեր է որ առաջին կարգի թէյ կու տայ, և շատ առատ մօտակայ անտառներուն մէջ, բայց մացառութեամբ անհալ վիճակ ունի : Այս բոյսին տուած թէյը հաւասար Չինաստանի թէյին անոր զօրութիւնն ու համեմն ունի : Պարսիկներն որ այս նիւթոյն վրայ քան զամենն աւելի լաւ դատաստան կրնան բնել, վասն զի չափազանց թէյարբու են, մէկէն ճանչցեր են Տրապիզոնի այս թէյին յարգը . և զնկով այս բոյսին տերեւները Պարսկաստան ղըրկեր են : Մինչև հիմայ գիւղացիք արեւուն կը չորցունեն այն տերեւները, որով բոյսին բնական դանութիւնը վրան կը մնայ :

Տրապիզոնի կուսակալը գուշակելով թէ ինչ մեծ օգուտ կրնայ գալ երկրին եթէ խրախուսուի այս բոյսոց մշակութիւնը, կառավարութենէն խնդրեց որ անտառաց վրայ եղած իրաւունքը վերցունէ այս տեղուանք ուր այս մշակութիւնը պիտի ըլլայ : Միւս կողմանէ ալ կ'ըսուի թէ տուրք պիտի

դրուի այս բոյսին վրայ 20 առ 0/0, որ եթէ ստուգուելու ըլլայ, վերոյիշեալ րադիրը կը վախէ թէ գիւղացիք շատ ետեւէ չեն ըլլար մշակելու այս տեսակ բոյսերը :

Երկրիս բնակչաց թիւը . — Ուրիշ անգամներ ալ տուեր ենք երկրիս բնակչաց թիւը, սակայն մօտերս եղած քննութիւններն աւելի ճշգրտ կը համարին այս թիւը, և կը հաշուեն թէ ներկայապէս երկրիս վրայ ըլլայ 1,440,000,000 բնակիչ, ի վերայ այսր . մենայնի շատ անգամ այս թիւը չի հիմնուիր ճիշդ հաշիւներու վրայ, մասնաւորապէս նկատմամբ Չինաստանի, Ալբերկէի, Աւստրալիայի և Բոլինէզիայի :

Եւրոպա ունի 312,398,480 բնակիչ . Ասիա՝ 831,000,000 . Ալբերկէ՝ 205,219,500 . Աւստրալիա և Բոլինէզիա՝ 4,411,300 . Ամերիկա՝ 86,116,000 :

Երկրիս մակերեսութիւն իւրաքանչիւր քառակուսի մղոնին, միլական հաշուով, 589 բնակիչ կ'ընկնայ :